


後漢書校語



後漢書

城陽恭王祉

按東觀漢記曰初名終後改名祉

真定王楊

錢大昭曰楊本傳作陽今從水經注及前書表作楊

東平王 王佗河間貞王子

按本紀作貞王孫誤

東海恭王 懿王祗

錢可廬曰按東海之封至建安時必有廢絕國除之事故獻帝以東海封皇子祗祗薨又以封皇子敦若云魏室受禪東海王始降為侯則一國兩封必無是理前宗作傳但見舊史



本紀建安五年有東海王祗薨之句遂誤以為東海恭王之
後殊不知建安五年之東海王祗乃是獻帝之子見於孔融
傳信而有徵也今姑以列傳以為恭王之後存王之子

中山簡王 穆王暢夢子節王稚嗣

按無子國除者稚也本紀屬之暢誤

下邳惠王 愍王意中平元年薨

錢可廬曰中平元年至建安十一年相距二十載而傳之哀
王宜嗣數月薨蓋史文衍數月二字耳

清河孝王 甘陵威王理

按本紀理作恢是理為悝之誤

河間孝王開

錢可廬曰攷濟南王開即係孝王七世孫不應與遠祖同名

當以任城孝王傳作恭

平原王碩

按碩本紀作顧誤區后紀作石 碩為帝兄本紀作帝弟

濟南王康

按康太平御覽一百九十九卷引續漢書作庚

獻帝紀建安五年立皇子馮為東海王南陽王

按孔融傳云五年南陽王馮東海王祗薨帝傷其早歿則祗
當與馮同受封史載馮不載祗者脫文也

濟陰王熙

熙後漢紀作臨

咸陽侯永 侯巡嗣徙封濩澤

濩澤作灌澤謠

俞鄉元侯平 廣陵思王子

錢可廬曰按集古錄俞鄉侯季子碑跋俞鄉侯不知為誰攷
唐書宰相世系表臨淮劉氏出自漢光武子廣陵思王荆荆
子俞鄉元侯平平生彪鬣封金石錄隸釋引李利涉編古命
氏說同唐書表即永叔撰集古錄乃云不知俞鄉侯疎矣。

周亭侯參陳敬王子

按水經注作平周亭据此則為陳留扶溝縣亭

解瀆亭侯淑 侯萇嗣

按竇后董后紀無亭字非 萇河間王開傳作長靈帝董后
二紀作萇

壽光侯鯉 淮陽王聖公子

鯉後漢紀作悝

宜春侯匡 侯護嗣

按楊震傳注云護泗水王歛之從曾孫据本紀當云從元孫
疑彼注誤

甘里侯敏

錢可廬曰按章懷注云潁川潁王縣西北有甘城攷續志潁
川郡有潁陽潁陰縣無潁王

齊公章建武十三年

錢曰按章由太原王徙封齊王由齊王徙封公本紀云降太
原王為齊公誤

臨邑侯讓建武初復封

按耿純傳及水經注作林邑本紀及賈逵傳作臨邑

吳漢 封廣平侯 今漢所食邑為三國

按漢所食四邑斥彰曲周廣年廣平也 錢可盧曰漢子所封之濯陽新蔡屬汝南筑陽屬南陽與廣平遠不相涉而云今漢所封則吳漢當有徙封之事而史失載之耳 又按東觀記之漢無後國除劉珍誤也

馮異 侯彰嗣封東緡徙封平鄉

按東緡山陽縣平鄉廣平縣注引東觀記之食鬱林潭中未知孰是

朱祐

錢可盧曰按注引東觀記祐作福避安帝諱則字皆從古今本傳及後漢紀皆作祐疑誤 按祐建武二十四年薨後漢紀作二十三年十二月薨

鉅期 子統建武十年封建平

按建平水經注作平輿又作三十年封

卓茂 封褒德侯

按雲臺功臣作宣德侯

參茂 封參遠鄉侯

錢大昭曰參遠未詳其地熊方後漢表以為齊國誤攷續漢志齊國西安縣有遠邱里古渠邱非參遠也

朱鮪 封扶溝侯

東觀紀作徙封成德侯 又按御覽二百引東觀記之鮪元

孫侯杞嗣坐殺人國除

歸德侯劉颯

按颯見前書匈奴傳陳遵傳及本書匈奴傳前書功臣侯表

作諷 錢可廬曰或云諷颯非一人今欲諷宣帝時匈奴日
逐王先賢揮之孫先賢揮降故封歸德以寓意以諷匈奴子
孫故更始光武俱使之如謂諷颯二人則諷之歸德侯傳子
襄襄傳子霸至永平十四年有罪國除與否尚未可知建武
初不應遽以歸德復封颯也其稱劉颯者或是賜姓史失載
耳

劉隆 更封扶樂鄉

錢晦之曰扶樂鄉陳留扶溝鄉章懷以扶樂為在九真郡非
也

李通 子雄召陵侯

東觀記作雄封新市

夜侯歐陽歙 封被陽

錢曰夜即掖縣古字通用被陽前志屬千乘續志無此縣

丁綝 魯陽鄉

錢大昭曰魯陽南陽縣鄉章懷注引東觀記云在尋陽郡誤
攷尋陽乃廬江之屬縣非郡名也

封陵陽侯

後漢紀三作潁陽疑誤

耿况 封隃廩侯

錢大昭曰况長子弁別封好時次子舒別封牟平故以少子
霸嗣封隃廩攷耿弁傳封牟平侯句封字下當有舒字今本
脫落宋熊方表以况為牟平侯誤也牟平若為况所食邑則傳
當云徙封牟平不狀霸襲况爵牟平封反屬之舒有是理乎

李愔 封亭侯以車騎將軍侯食邑弋陽

錢大昭曰此見太平寰宇記一百七攷光武時為車騎將軍必是車騎屬官不知樂史何所據止有鄧宏一人此云車騎將軍必是車騎屬官不知樂史何所據

趙熹 趙代

按代本作世見百官志注西羌傳亦作代俱係章懷避諱改馬賢 孫光復封

張 繡 宣威侯 按東觀記光作承太後漢紀作承光又作漢安元年封列侯

按繡封地在武威縣 陳景雲曰宣威疑非縣蓋即都亭之屬侯上疑有脫字 錢大昭曰陳說誤

鮮于輔 魏志武帝紀注輔為建忠將軍封昌鄉亭侯 按碑作虎牙

將軍南昌亭侯

馬廖 遵嗣侯徙封程鄉

按馬防傳遵徙封丹陽 錢曰程鄉疑丹陽縣

馬防

按東觀記防以參藥勤勞增封襄城亭侯千二百五十戶

耿承 林慮侯

按公主初封隆慮避殤帝諱改林慮

鄧演

按郡國志李雲傳注及郭仲奇碑皆作比鮑昱傳作泚古今字

鮑吉 延熹三年封侯

御覽二百引魯國先賢志作封西鄉侯

桓帝紀 安陽侯鄧會

按天文志作安鄉侯鄧魯後漢紀作比陽侯

何苗

按五行志作朱苗后異父兄又作同母弟

宦者傳左稱

按天文志趙岐傳並作左勝

宦者 侯覽封高鄉侯

按周景傳作防東陽侯

馬成 遷行大司空事

按成遷在建武十二年傳作十年誤

鄧晨 行廷尉事

按熊方表作行衛尉事

劉隆 行大司馬事

東觀記作行大將軍事

馮勤 十五年勤任大司農三年遷司徒

錢大昭曰光武紀二十七年以大司農馮勤為司徒據此則

十五年上當脫二字二十五至二十七年正合三年之數

耿國 字叔慮 為大司馬建武廿七年

東觀記慮作憲 為大司農傳作為大司馬非

郭丹 范遷子盧 永平三年

本紀注作子閭

天文志執金吾朱徵

徵字誤當作微

張禹 永元六年為大尉

按本紀作十二年為大尉本傳疑誤 九月丙寅後漢紀作

丙辰錢大昭曰誤也張酺免於戊午禹不得於丙辰即任大

尉

魯恭 永元十二年為司徒

据本紀及熊表作十三年

張酺 永元十五年為光祿勳

按本紀作十六年

鄧騭

隲東觀記作陟

何熙 大司農何熙行車騎將軍事西域校尉梁懂行度遠將

軍事

按本傳作永初三年^任匈奴傳作四年誤

樊準 為光祿勳其年卒

俗本其年卒作五年卒誤此從明徐周采所刊闕本改正

延光元年光祿勳被諷

後漢紀被作祝

陽嘉三年大司農南郡黃尚為司徒

按尚字河伯注作字伯河周舉傳作河南郡人俱誤

永和元年光祿勳郭虔為司空

虔後漢紀作乾誤

永和三年九月己酉

錢大昭曰後漢紀作癸酉是九月有丙戌則不得有己酉也

趙戒 字志伯 永和五年紀

按乙瑛碑作意伯避桓帝諱

杜喬 光祿杜喬為大尉

按本紀云喬由大司農遷誤

崔寔 大司農羊溥

錢梅之曰溥疑儒之誤

黃瓊 羊溥

按溥當从羊續傳作儒

段熲 尹訟

訟當從本紀作頌 見永興元年

周景 韓演

演桓紀作頌是 見永興元年

延熹元年 盛允為司空

按風俗通義允字子翮

延熹三年司徒祝恬薨司空盛允為司徒

按後漢紀作恬卒司空光祿勳种暠繼之

太常虞放為司空

按虞延傳作尚書是

劉寵為大鴻臚本傳

寵字祖榮見吳志劉繇傳一本作榮祖非

六年衛尉周景為司空

吳志周瑜傳注引謝承書云景字仲嚮

衛尉許栩為司徒 延熹六年

後漢紀作栩由大鴻臚為司徒

建寧元年四月戊辰 靈紀

錢大昭曰是年四月戊寅朔不得有戊辰日

建寧二年聞人襲免太僕李咸為太尉

錢大昭曰按禮儀志注是年七月襲尚為太尉則非免於三

月矣又胡廣傳注引謝承書建寧三年咸由大鴻臚拜太尉

疑范史誤

建寧四年劉寬為宗正

錢大昭曰按禮儀志注是年有宗正劉祖

熹平二年楊賜為司空以災異免太常唐珍為司空

按賜傳云代唐珍為司空誤

熹平五年太尉許訓罷光祿勳劉寬為太尉

按後漢紀作太尉李咸罷劉寬代之

六年衛尉陳球為司空

按球由廷尉為司空見本傳本紀作衛尉誤

太尉劉寬免 太常孟軻為太傅

錢可廬曰寬傳作日食免攷劉寬碑初免太尉以固疾再免

大尉以日食 軻成陽堯廟碑作郁字敬達

太常陳耽為司空

後漢紀作由耽由太僕為司空

中平元年 太僕弘農鄧盛 注伯能

風俗通義曰盛字伯條

初平元年 董卓繇太傅袁隗

按後漢紀是年四月以劉虞為太傅錄尚書事

大鴻臚韓融

按融本傳作太僕

二年光祿勳宣播

按五行志獻帝春秋皆作璠惟本紀从手作播誤

三年太僕扶風魯旭

按魯恭傳亦作旭與此同別本或作馗後漢紀又作魯猷

興平元年七月 戊子

錢晦之曰戊子後漢紀作戊午是七月先有壬子不得復有

戊子

朱雋 行驃騎將軍事

雋行車騎將軍事傳作驃騎誤

建安四年執金吾榮邵

按宋書百官志晉書職官志俱作榮邵

馬騰 九年為曹操所殺

按蜀志馬超傳注引典略作十五年

延熹三年車騎將軍馮緄討武溪蠻

錢可廬曰緄為車騎將軍本紀本傳許曼傳緄碑皆在延熹

五年此紀于三年即書車騎將軍誤

城陽恭王社

按水經注言徙封白水上唐二鄉傳止言白水

光武紀臨邑侯讓

水經注作林邑

建武二年以崇從父弟寵紹封

按寵即劉宣卓茂傳云崇之從弟

齊武王績 殤王石嗣

劉攽云殤當作煬

封石二子為鄉侯

按侯劉為利鄉侯

沛獻王輔 侯种以英子紹封楚後徙六

六縣屬廬江今作陸誤也

東平獻王蒼 懷王忠嗣立凡十一年

按懷王立僅一年此衍十字

封蒼子五人為列侯

按水經注章帝封蒼子為湖陸侯此五人之一名亦無改

廣陵思王荆 子元壽紹封

按李利涉編古命氏唐書宰相世系表皆云荆生俞鄉元侯

平平生彪襲封與傳異

東海恭王彊 永元十六年封肅弟二十一人為列侯

盧文昭曰公穆沙傳有繒侯劉敞乃二十一人之一也

清河孝王慶 恭王延平 永初五年紹封 六凡三十五年

當作永初三年立凡三十六年

濟北惠王壽 永寧元年封登弟五人為鄉侯

戰鄉侯安北鄉侯懿即五人之二

耿純 子阜 徙封莒鄉侯

按水經注建武十三年更封耿阜為平阿侯 盧曰傳略去

中間徙封不載

寇恂 損嗣

按水經注建武十三年徙封

耿况 霸嗣

盧文昭曰少子霸襲况爵為隃廩侯然牟平之封却歸於舒

不可曉

侯秉

按水經注渭水秉以永元元年封彰雅二年更封美陽傳遺封

彰雍節 後漢紀作秉二年薨謚壯侯

鄧禹 隲子遵封舞陽

按西羌傳作武陽

康 嗣泚陽

按李陽傳注作比陽即泚陽或作泚誤

秉 封濟陽

按本紀作涓陽李雲傳注作濟陽字形相近致互異

卓茂 褒德侯

文昭曰褒德按雲臺位次作宣德東觀記續漢書皆同與本

傳異

鄧晨 封房子侯

按水經注作房陵

鉞期 丹徒封葛陵

按水經注建武十五年徙

統 封建平

建平水經注作平輿建武三十一封

王常 封山桑侯

按水經注睢水下高陽縣建武二年封王常為侯國

傅俊 昌徙封蕪湖

按水經注陰溝下昌建武十三年徙封龍亢傳漏

耿宿

盧抱經曰寒朗傳楚事連逮者有隧鄉侯耿建當即嗣宿者

也

郭况 封綿蠻侯

綿蠻水經注作綿蔓前志綿蔓縣屬真定

張隆

盧曰隆子睦隆遣將兵助岑彭征伐封率義侯見續漢書
王遵 封向義侯

按續漢書作上雒侯

馬援 防封潁陽侯

按東觀記防以參藥勤勞增封襄城亭千二百五十戶

光封許陽侯

盧曰肅宗詔但稱許侯水經注云光先封新汲後封許亦無
王陽字傳不著封新汲文略 按通鑑亦作許侯

宋楊 當陽侯

楊北宋本作揚

荀彧 建安五年封萬歲亭侯

按魏志本傳封在八年

宦者

東觀記中常侍籍建追封為許陽東鄉侯

續漢書志

律歷志上黃鍾一日

錢大昕曰按黃鍾太簇姑洗蕤賓林鍾南呂應鍾七律皆主
一日所謂五音之正各終一日者也其餘五十三律或主五
日或六日或七日或八日合三百六十六日所謂以六十律
分晷之日也

南授十三萬九千六百七十

當作七十四脫四字

中呂十三萬一千七十二

此數以三除之即有奇零不盡時息以下亦然由中呂下生
不能及黃鍾之半律故又轉而上生此下盛變南中離宮內

負制時物應依行重上生者凡七變而後終六十律之數
南事十二萬四千一百五十四

按六十律終于南事南事之律固不能下生矣轉而上生其
數杜大呂分否之間未始不可引而伸之也
下生南事窮無高微不為官

按十二律之變窮於南事安得云下生乎疑下為不字之譌
離宮十二萬一千八百二十九
當云一千八十九

解形十一萬九千一百三
當云十萬

分積十萬六千一百八十八
當云八十七

分烏九萬三千一百一十七
當作一十六

故待詔嚴崇

宋書歷志作嚴嵩古文崇嵩通漢武帝改嵩高山為崇高
律歷志中

自太初元年始用三統歷

按何承天謂劉歆之生不逮太初訾譏司馬氏以為不知而
妄言其實非也太初造術以前四千六百一十七歲為上元
一元之中即有三統三統與太初異名而同實劉子駿用太
初法推行之以說尚書春秋又追日月五星同起牽牛之始
以為太極上元初非別立一術則三統之名不自歆始也承
天號稱知歷何未悟及此

史官用太初鄧平術有餘分一杜三百年之域行度轉差

按四分術歲三百六十五日四分日之一太初術以千五百三十九之三為斗分較之四分多千五百三十九分之二所謂餘分一也積至三百年當贏七十五分則冬至益後天故云行度轉差

太慰屬梁賄司徒嚴勗

此嚴勗亦司徒之掾屬非司徒也史脫文

以太初歷考太初元年盡更始二年二十四事十得晦

以上下文校之十得晦句上下當有脫文

其值東井輿鬼出赤道北五八

當云二十五度脫二十兩字

中興以來圖讖漏泄而考靈曜命歷序皆有甲寅元

按淮南天文訓以太陰紀歲元始甲寅而太初改歷亦云復得闕逢攝提格之歲史記歷術甲子篇云太初元年歲名焉逢提格則太初本用甲寅矣但漢初言甲寅元者乃指太陰非謂太歲元帝時翼奉上封事始誤合太陰太歲為一緯候出於哀平問術士習聞甲寅元而不知太陰太歲之分又又不知超辰之法而甲寅元遂移於太歲矣尚書攷靈曜春秋命歷序今已不傳惟易乾鑿度尚存亦用甲寅元也百四十四歲而太歲超一表

表當作辰

漢祖受命因秦之紀十月為年首杜常杜歲後不稽先代違于帝典

古法子丑寅月迭為三統無以建亥為歲首者堯典云閏月

正四時成歲是四時皆可置閏而秦法置閏杜歲終此二事皆違經而背古也

五是以備

洪範五者來備此云五是蓋漢儒傳本異也閏本汲古閣本作五者則後人据今本尚書易之李雲傳五氏來備氏古是字荀爽傳五躔成備躔亦訓是

兩歷相課六千一百五十六歲而太初多一日

四分術歲有小餘四分日之一太初術小餘千五百三十九分日之三百八十五兩法相課則四歲之中小餘皆滿一日而太初尚贏千五百三十九分之一也積至六千一百五十六歲又餘分又滿一日

上訥其言遂改歷事

詳文義是安帝納尚書令忠言仍用四分不復議改蔡邕云延光元年中謁者竇誦亦非四分庚申上言當用命歷序甲寅元公卿百僚參議正處才施行謂此事沈約志亦云竇等遂寢此文遂下當有罷字或是寢字

乾鑿度八十分之四十三為日法

當云八十一分

從太初至永平十一年百七十歲

當云百七十一歲

至永和二年小終之數寢過

永和當作元和

四分歷仲紀之元起于孝文皇帝後元三年歲在庚辰上四十五歲歲在乙未則漢興元也又上二百七十五歲歲杜庚

申則孔子獲麟

今世所推甲子紀元蓋出於此古術家用百四十四年超辰之法漢志云高帝伐秦太歲杜午則文帝後三年太歲在社郊也

太初元年歲杜丁丑上極其元當杜庚戌而云丙子言百四十四歲超一辰凡九百九十三起歲有空行八十二周有奇乃得丙子

按三統術上元至太初元年十四萬三千一百二十七算以百四十四除之得九百九十三餘百三十五此為上元以來太歲超辰之數以此數并入積元起丙子算至太初元年復得丙子矣東漢以後術家不知太歲當超辰但依六十之數上溯太初以為歲杜丁丑又以為上元當杜庚戌非太初本法也

鄭康成注周官馮相氏十有二歲云歲謂太歲星與日同次之月斗所建之辰樂說說歲星與日常應太歲月建以見然則今歷太歲非此也東漢言儒太知太歲有跳辰法者獨康成一人而已歲星與太歲相應太歲超九百九十三辰則歲星亦超九百九十三次而一周故云八十二周有奇案百七十歲二節一章

當云百七十一歲

及命歷序積獲麟至漢起庚子節之二十三歲竟已酉戌子及丁卯節六十九歲合為二百七十五歲

按元命包乾鑿度皆云開闢至獲麟二百七十六萬歲元法收之得六百有五歲餘一千二百又以節法以之得積節十五其餘六十則獲麟之歲以乙酉節六十一歲年依此推

至漢文反二年適足五節之數故次年得為元首復起甲子節也命歷序以甲寅為元較元命包積年少一百一十四算以元法節法收之正入庚午節之二十三年此云庚子為庚午之譌也然依此推至漢文庚辰歲不當子節首不可立元也

漢元年歲杜乙未上至獲麟以歲杜庚申推此以上上極開闢則不杜庚申讖雖無文其數見存

按自獲麟至開闢二百七十六萬歲以六十除之恰盡獲麟之歲既是庚申則開闢之始亦必庚申矣當云元杜庚申不字乃元字之譌

而光晃以為開闢至獲麟二百七十五萬九千八百八十六歲獲麟至漢百六十二歲

按光晃說開闢至獲麟歲數與春秋命歷序同而獲麟至漢初則較命歷序少百一十四歲依此推至高帝元年則當杜壬寅而非乙未矣故蔡邕一說其謬

恂術以五千六百四十日者九百六十一食為法

日當作月古法百三十五月有二十三食即宗誠術也今馮恂術五千六百四十六月有九百六十一食較古法稍強劉共乾象術萬一千四十六月有千八百八十二食又強于恂術律歷志下

斗建移辰謂之日月之行

日上脫一月字

璇衡追日以察斂

察字下脫發字

中法四十一

四當作三置日餘百六十八以三十二除之得五日三十二分之八即四分前志所謂策餘也每月中氣三十日又二十二分之二十四故以三十二為中法

其月食百三十五

食字衍

得五百二十三之二十而一食

百當作月春秋正義云三統之術以五月二十三分之二十而一食也四分術亦同

五百一十三分之五十也

五十下脫五字

分終其法因以與節相約得四與二十七五之會二千五十二

按七十六歲為節以二十七乘之得二千五十二五百一十

三為會歲數以四乘之亦得二千五十二然則二千五十二

歲而節分與會分適相約其名之曰節會也五之兩字難解

閩本汲古閣本作互亦非是當云名之曰節會傳寫脫謔耳

節會二千五十三

當云二千五十二以節會除元會得數二十故云二十而與

元會

月數百二十五

二當作三

食法二十二

當云二十三

其餘以節會除之所得以七十一乘之滿六十除去之置節會

數以六十除之尚餘十二故以七十二乘與以十乘同滿六十去之乃得與紀首歲名相直也

所得數從天紀筭之起外所以入紀

之起以三字皆衍文或云起當作筭上

各以不入紀歲名命之

不當作所

天紀歲名 地紀歲名 人紀歲名 節首

按此四行今本皆失其次試為別而言之自庚辰至甲申天紀歲名也自庚子至甲辰地紀歲名也自庚申至甲子人紀歲名也自甲子至乙酉節首有天正朔旦冬至之日因以為節名也最下一至二十則節首之次第因一紀之中各有二十節故以次列之也校書者不知天歲紀名當與庚辰並列

誤升于上餘皆以次第遞升遂至舛誤不可究詰今特為更正如右

天紀歲名 地紀歲名 人紀歲名 節首

甲子	庚辰	庚子	庚申	庚辰	庚申	庚辰	一
癸卯	丙申	丙辰	丙子	丙辰	丙子	丙辰	二
壬午	壬子	壬申	壬辰	壬申	壬辰	壬申	三
辛酉	戊辰	戊子	戊申	戊辰	戊申	戊辰	四
庚子	甲申	甲辰	甲子	甲辰	甲子	甲辰	五
己卯	庚子	庚申	庚辰	庚申	庚辰	庚申	六
戊午	丙辰	丙子	丙申	丙辰	丙子	丙申	七
丁酉	壬申	壬辰	壬子	壬辰	壬子	壬辰	八
丙子	戊子	戊申	戊辰	戊申	戊辰	戊申	九

乙卯	甲辰	甲子	甲申	十
甲午	庚申	庚辰	庚子	十一
癸酉	丙子	丙申	丙辰	十二
壬子	壬辰	壬子 <small>本作壬</small>	壬申	十三
辛卯	戊申	戊辰	戊子	十四
庚午	甲子	甲申	甲辰	十五
己酉 <small>本作乙酉誤</small>	庚辰	庚子	庚申	十六
戊子	丙申	丙辰	丙子	十七
丁卯	壬子	壬申	壬辰	十八
丙午	戊辰	戊子	戊申	十九
乙酉	甲申	甲辰	甲子	二十
加大餘二十九	小餘四百九十			

九十下脫九字

一術以大周乘年周天乘減之餘滿節日則天正朔日也

此條有脫誤依法推之大周乘入節年又以周天乘閏

餘相減大周者周天乘之則分母相同故相可減不盈章月之數以

餘滿節月得一為積日滿六十去之其餘為大餘所以入節

名命之筭外即天正朔日蓋以大周乘入節年以節月除之

歲前冬至與朔同日常歲冬至後于經朔由閏餘周天乘

所積故以閏餘化為日分相減而得天正朔日也

下當脫閏餘二字節日當作節月

以月餘乘之滿中法得一

月餘當作日餘

一術以為五乘冬至小餘以減通法餘滿沒法得一則天正後

為五作十五以十五乘冬至小餘與通法相減餘滿沒法得一即冬至距後沒之日數也起冬至算外為後沒日

置入節積月以日乘之

當云置入節積日以節月乘之

積度加斗二十一度加二百三十五分

此以節月為度法九百四十分之二百三十五即四分之一也

經斗除十分

當作除十九分此以節法為度法七十六分之十九與九百

四十分之二百三十五其比例得四之一也

積度加斗二十一十分

十分當云十九分

其冬下旬月在張心署之

按乾象景初術俱有此文攷隋書刑法志陳制晦朔八節六齊月杜張心日竝不得刊今術家以二十八宿配日月五

星房昴虛七星屬日心張危畢局月

謂盡漏分後盡漏盡也此九字當是衍文

置其節氣夜半之數夜半當作夜漏

以月數乘積積下當有食字

求後食加五百二十分百當作月

又以四百九十乘積月九十下當有九字閱本有九字

不滿法法什之下法字衍

五星數之生也當提行各本皆誤接前行

以章法乘周率為用法用當作月

以月之月乘積為朔大小餘乘為入月日餘 此處有脫謬今
以算求之當以節日乘積月如節月而一為積日不盡為小
餘積日滿六十去之餘為大餘也又以節日乘月餘以月法
乘朔小餘併之以四千四百六十五約之所得如日度法而
一為入月日不盡為日餘也

以率去日率餘以乘天周本或作大謬如日度法為度之餘也 以

下脫周字為度之餘當云為積度度餘

木 日餘萬四千六百四十七 七當作一

火 入月日十一 一當作二

土 入月日二十三 三當作四

水 月餘二十一萬七千六百六十 六十下脫三字

虛分四百四十九 九當作一

入月日二十七

七當作八

日度法四萬七千六百三十一

一當作二

滿其月法得一從小積為月餘

小積下脫不盡二字

以節日乘之入紀月

之字衍

以四千四百六十五約之

四千四百六十五者章法乘章月之數也

所得得滿日度法得一

所得下衍得字

餘一加晨得夕加夕得晨

餘一當作金水

其月餘得一月者又餘二十九

又下疑有脫文當云加大餘二十九小餘四百九十九

小餘滿節月得一如大餘

如當作從

木晨伏十六日七千二百二十分半

二百當作三百

八十四日進十二度

進當作退

伏復十六日七千二百二十二分半

二百當作三百 二十二分當作二十分北宋本閩本俱二十分

行星三十二度與萬三百一十四分

三十二當作三十三

八十四日行一十二度

當云百八十四日行百一十二度

一見六百三十六日行百三度

行下脫三字

日行行四十六分度之三十三

下行字行

四十六日行三十三度而

而下脫疾字

日行一度九十分度之十五

九十下脫一字

一合二百九十二日百八十一分 日下脫二字
行百六度而進

進當作遲

伏五日退四度而復合

後當作復

凡三合一終

三合當作再合

九日行八度留不行二日

二日下脫旋字

一見三十二日行三十度

度上脫二字

以步法伏日度分如星合日度餘

如當作加

以天度乘晝漏夜漏減三百而一

當云漏二百而一

冬至十二度百一十分八分

當作二十一度八分

因下有百一十五之文而重出耳此以三十二為度法分滿

法即進為度無有過三十一分者

大寒心半

當云二半

立春危七度二十一分

七當作十

雨水室八度二十八分

八度當作九度

驚蟄壁八度三分

八當作九

大暑星四度三分

三當作二

霜降氏十四度十三分

三當作二

注每次三十二度三十三分之十四

當云三十度三十二分之十四

自危十度至壁八度

八當作九 下文自壁八度至胃一度同

立春驚蟄居之

此以驚蟄為正月中氣雨水為二月節依古法也四分術以

雨水為正月中

從上元太歲杜庚辰以來盡熹平三年歲杜甲寅積九千四百

五十五歲也

四分術本以漢文帝後三年庚辰歲為元杜熹平甲寅前三

百三十五年又追上兩年元計九千一百二十歲以為上元

距開闢之始二百七十五萬一千二百歲也四分術以章帝

元和二年施行杜熹平甲寅前九十年此算積年乃及熹平

者蓋劉洪撰記時附益之

而顓頊用乙卯 唐一行日度議引洪範傳云歷紀始于顓頊上元太始闕逢

攝提格之歲畢隤之月朔日己巳立春七曜俱杜營室五度

則顓頊亦用甲寅與此志異然日度議又云魯宣公十五年顓頊第十三節首以丁巳平旦立春則顓頊歷元在春秋前七日八十四年正是乙卯歲殷祖辛之元祀也術家皆上追開闢此獨始於殷伐故云斷取近距

殷用甲寅

按前志載殷歷云成湯用事十三年十一月甲子朔旦冬至終六節首當周公五年正月戊午朔旦冬至又竟十四節至漢元帝初元二年後為紀首初元二年歲柱甲戌則前一紀首乃甲寅歲也

周用丁巳

李淳風說周歷上元丁巳至魯僖公五年丙寅積二百七十五萬九千七百六十九算較元命包所說開闢至獲麟之歲

少五十七算

漢興承秦初用乙卯

唐一行日度議云顓頊歷上元甲寅辰初合朔立春七曜皆杜艮維之首蓋重黎受職於顓頊帝堯復其子孫俾掌天地四時以及虞夏故本其所由生命曰顓頊其實夏歷也湯作殷歷更以冬至為上元周人因之距羲和千祀昏明中星率差半次夏時直月節者皆當十有二中故因循夏令其後呂不韋得之以為秦法更攷中星斷取近距以乙卯歲正月己巳合朔立春為上元

追漢三十五年庚辰之歲

三當作四

加六百五元一紀上得庚申

自開闢至漢文帝後三年積二百七十六萬三百二十以元
法収之得六百有五其餘一千五百二十恰滿一紀之數
洪能為筭述叙三光

此卷首千餘言述推步之原精微簡要非洪不能作後之步
天者宜寶之

禮儀志上

齋日內有汗染解齋

說文引漢律云見姝變不得待祠姝婦人汚也

上巳官民皆絜于東流水上

絜古禊字應劭云禊者絜也言自絜濯也見南齊書說文無禊字

禮儀志中

注維建寧四年七月乙未

本紀七月癸丑立貴人宋氏為皇后
今使太尉襲使持節奉詔

按靈帝紀太尉聞人襲以三月免官此立后乃在七月或紀
所書月日誤

以朱索連葦菜彌牟朴蠶鍾

彌牟五字未詳

以桃印長六寸方三寸五色書文如法以施門戶

桃印宋書禮志作桃卯注稱桃印本漢志所以輔卯金則印
當為卯之譌

周人木德以桃為夏

更即榷字下文云設桃榷鬱偏葦莛是也

太子具樂器

太子當作大子

禮儀志下

巴渝擢歌者

獻帝紀注引此文作擢歌音徒了反

祭祀志上

及中宮宿五官神

中宮當作中官

二十八宿外宮星

外宮當作外官漢書天文志經星常宿中外官凡百一十八名

甲午禪于梁陰

梁陰即梁父也

祭祀志中

元元和二年正月詔曰

章帝紀作二月

祭祀志下

於是雒陽高廟四時加祭孝宣元凡五帝

前此雒陽廟祀高帝文帝武帝今加祭宣元二帝故云五也

注世祖廟樂名宜曰大武之舞

按下文引樞機鈴

當作旋機鈴

曰有帝漢出德洽作樂名予虞韶

禹夏湯漢周武無異不宜以名舞蓋言樂名大予與韶漢漢

相同不宜更以大名舞也又引詩傳云頌言成也一章成篇

宜列德此言歌詩宜名武德之舞不宜單稱大武也然則東

平王蒼之議正主武德之舞其前云樂名宜稱大武者或當

時公卿有此議故博引圖緯經傳以駁之耳沈約樂志言蒼

總定公卿之議曰宗廟宜各奏樂不應相襲所以明功德也

承文始五行武德為大武之舞又制武歌一章薦之光武之

廟此是錯會東觀書意蒼所制歌詩固云武德舞不云大武舞也近有括沈約志以譏范史之誤者由未尋繹斯文而意為之說爾

和帝追尊其母梁貴人曰恭懷皇后陵

當云陵曰西陵史脫去三字

高廟五主世祖廢七主

五主者高文武宣元也七主者光武明章和安順桓也

陳嚴具

王懋竑曰嚴當作裝東漢諱莊為嚴遂并改焉予謂裝妝皆俗字古文本作莊故東漢人稱妝具曰嚴具魏志田疇傳戒其門下趣治^嚴即治裝也

天文志上

建武九年七月金犯軒轅大星

按志載五星凌犯或稱太白熒惑歲星填星辰或稱金木水火土前後俱不畫一

天文志中

永和六年度遼將軍朱徽

和帝紀匈奴傳俱作朱徽

元興元年十月二日和帝崩

按和殤二帝紀俱云十二月辛未

永初三年彗星起天苑

安帝紀作天苑苑古字通

四年後太尉張敏免官

安帝紀作張禹

永和三年江賊蔡伯流數百人攻廣陵九江燒城郭殺都長

順帝紀作九江賊此脫九字都長上脫江字

四年中常侍張達遽改陽定內署令石光

陽當作楊內署當作內者百官志有內者令
達等自知事不從各奔走或自刺解貂蟬投草逃_中亡皆得免
按梁商傳云收達等悉伏誅此云皆得免者妄也

天文志下

此卷注全闕

和平元年十二月甲寅梁太后崩

桓帝紀莊二月此行十字

延熹五年京兆虎牙都尉宋謙

桓帝紀作宗謙

八年太僕南鄉侯左勝

桓帝紀宦者傳俱作左稱趙歧傳中常侍左官兄勝
河南尹鄧萬

萬下脫世字蓋唐人避諱去之爰延傳亦作鄧萬
虎賁中郎將安鄉侯鄧魯

安鄉當作安陽

據皇
后紀

魯當作會

據桓帝及皇后紀

後六年司徒劉羣為中常侍曹節所譖下獄死

按熹平之平世司徒無下獄死者惟光和二年劉郁以謀誅
宦官下獄死羣當為卻之譌也自熹平二年至光和二年相
距恰六載矣

五行志一

建光元年京都及郡國二十九

續志凡京師皆作京都避晉諱也百官志閒有作京師者乃
後人妄改

皆憤而衣婦人衣繡擁髻

光武紀作繡毼

后父禁為平陽侯

平陽當作陽平

蔡邕傳

注引此文亦誤作平陽劉貢父已辨之

河內率川詣闕上書

黨錮傳作牢脩

五行志二

漢陽河陽城中失火

河陽當作阿陽

先是亳后因賤人得幸

按桓帝鄧皇后初冒姓梁氏帝惡梁氏改姓為薄而李雲傳云立掖庭民女亳氏為皇后此志亦云亳后蓋古文亳與薄通漢書地理志山陽郡薄縣臣瓚云湯所都也史記封禪書亳人謬忌亦稱薄忌

皇后兄何進異父兄朱苗

按靈帝及何后紀皆稱何苗苗本姓朱惟見于此此稱異父兄而前卷稱同母弟亦小異

五行志三

延熹四年四月濟北水清

濟北下脫河字

[Faint bleed-through text from the reverse side of the page, including characters like '延熹', '濟北', and '水清']

五行志四

此卷注全關

匈奴單于於除難韃叛

難字衍

使征西將軍劉尚擊之

此又一劉尚乃南陽宗室襲封朝陽侯者

建光元年九月己丑郡國三十五地震

安帝紀作十一月

延光元年九月戊申郡國二十七地震

安帝紀作甲戌

二年京都郡國三十二地震

安帝紀無十二字

四年十月丁巳京都郡國十六地震

順帝紀作十一月

永和二年四月庚申京都地震

順帝紀作丙申

光和元年二月辛未地震

靈帝紀作己未

史記卷一百一十五

漢書卷一百一十五

郡國志河南尹注秦三川郡至改曰河南尹

錢大昭曰此司馬彪本注他郡國倣此

成畢

畢當作臯字形相涉而譌河內郡平臯志亦譌為畢

河內郡山陽邑

順帝阿母宋娥封山陽君

獲嘉侯國

馮石所封獲嘉公主子

河東郡平陽侯國

馮奮所封平陽公主子

聞喜邑

和帝女聞喜公主

獲澤侯國

更始孫劉巡所封明帝有獲澤侯鄧鯉

恒農郡 燭水出注出衡山嶺下谷

錢晦之曰衡當作衙

有務鄉

劉聖公傳作務鄉音莫老反

右扶風 諭糜侯國

耿况所封又耿弇封好時侯傳四世至安順時尚無恙而志

無此縣未知其審

右司隸校尉注置漢興郡國游楚為太守

國當作以 游楚事見魏志張既傳注

郡國志二 潁川郡 襄

前志無此縣

舞陽邑

順帝長女舞陽公主

臨潁

桓帝女封臨潁公主志似脫邑字桓帝時邊韶為臨潁侯相

蓋公主之子讓封為侯也

汝南郡 平輿注有摯亭

摯當作摯說文汝南平輿有摯亭讀若晉

新陽侯國

陰就所封

汝陽

順帝季女封汝陽公主志所據者順帝時圖籍則汝陽下宜有邑字或其時尚幼未有封邑也

新息國

國字當有侯字馬援所封

潁強侯國

陰興子博所封

安城侯國

鉅期封安成侯即此安城也期子丹徙封葛陵光武又封劉賜為安成侯

銅陽侯國

陰興子慶所封

安陽侯國

吳漢兄子彤所封

富波侯國

東觀記光武封皇考姊子周均為富波侯

朗陵侯國

臧宮所封

弋陽侯國

劉國所封

征羗侯國

本汝南之當鄉光武封來歙于此前志無

思善侯國

前志無

褒信侯國

前志無順帝封中黃門李元

原鹿侯國

前志無光武封陰識于此

定潁侯國

前志無順帝時封郭鎮

固始侯國 有寢邳

按前志汝南有寢縣應劭云孫叔敖子所邑之寢邳世祖受名固始又淮陽有固始縣潁注本名寢邳孫叔敖封地予意汝南淮陽地相毗連光武封李通或兼食二縣之地而國都在寢遂移固始之名于彼耳

山桑侯國

王常所封

梁國 穀孰

前志無光武封更始子歆為穀孰侯

鴈故屬陳留 注

前志作偽應劭謂即鄭伯克段于鄆之鄆續志用杜預說以潁川之鴈陵為春秋之鄆而劉昭以鄭伯克段事實之 洪亮吉曰京城廩延皆在鄭東北自陳留之偽至共道里亦近 應氏說不可易也

薄故屬山陽所都

錢大昭曰所上脫湯字

沛國 竹邑侯國

彭城靖王子阿奴所封

杼秋有澶淵聚 注左傳云云

按春秋之澶淵杜預注在頓邱縣南劉昭以行秋之澶淵當之非也

陳國 扶樂

前志無光武封劉隆為扶樂鄉侯

武平

前志無

魯國

按建武二年封兄子興為魯王二十八年徙封北海此後無封魯王者而志稱國不稱郡蓋自光武以魯國益封東海恭王終東京之世魯常為東海國所屬而魯國之名未改故明帝時鍾離意和帝時汝郁靈帝時陳逸皆稱魯相而曲阜孔廟永興永壽建寧諸石刻皆有魯相之稱初不稱太守也

魯有牛首亭 注左傳云云

按左傳之牛首杜預注以為鄭邑水經注沙水又東南逕牛首亭東左傳宋人與諸侯伐鄭取牛首者也俗謂之車牛城矣 劉昭以魯之牛首亭當之非也

魏郡 陰安邑

章帝女陰安公主

鉅鹿郡 廣宗

前志無平帝元始二年封代孝王元孫如意為廣宗王當即其地順帝封宦者王成為侯國

常山國 都鄉侯國

常山都鄉西京時趙頃王子景所封王莽時絕東京人封都鄉侯者甚多都鄉者近郭之鄉班在鄉侯之上非皆常山之

都鄉也熊方年表皆於都鄉侯皆注云常山非是
藥城注在縣西南六十里

在上有脫文前志無此縣

中山國 蠡吾侯國

河間孝王子翼所封

安平國 阜城故昌城

按前志昌成縣屬信都郡而勃海郡却有阜城縣

經

前志無安平孝王得子理封經侯

南溪國故屬涿

國當作澤按前志涿郡中山皆有溪澤縣而涿郡加南字續

志有南溪澤無溪澤

趙國 中邱

當云故屬常山

勃海郡 浮陽侯國

光武封劉植從兄歆順帝封中黃門孫程程徙封宜城苑又

封其養子壽

魏郡 注廣平之廣平任城

按光武并廣平國入鉅鹿郡此後未見復置獻帝起居注建
安十八年冀州部三十二郡不數廣平晉志亦云廣平魏置
則此注廣平之三字明是衍文 閩本無此三字

郡國志三

陳留郡已吾

前志無

東郡 樂平侯國

梁竦子棠所封

穀城

前志無

泰山郡 嬴有鐵山

山字當連下句山在縣名也

成

前志泰山郡有式縣無成縣

金鄉 山陽郡

前志無

防東

前志無

濟陰郡 乘氏侯國

梁竦子雍所封

單父侯國

初封劉茂後封梁竦子翟

東海郡

按光武封子彊為東海王傳國最久中間無改國為郡之事

此郡字當為國之譌

合城

前志有合鄉無合城晉書地理志亦祇有合鄉縣此城字必

鄉之譌

琅邪國 西海

前志無西海蓋海曲之譌劉盆子傳琅邪海曲有呂母注海

曲縣名故城在密州莒縣東

即邱侯國

按永平中吳良左轉為即邱長是明帝時猶未為侯國也

繒侯國

曲劉敞所封東海恭王之後故志云故屬東海

彭城國

按表安傳永平十三年楚王英謀為逆事下郡復破明年舉

安能治劇拜楚郡太守然則國除之後本為楚郡至肅宗遺

詔徙封六安王恭為彭城王乃更為彭城國也

下邳國 僮侯國

沛獻王子嘉所封

潘旌

前志作播旌

東城

當云故屬九江

曲陽侯國

淄川王子鳳所封

右徐州刺史部注魏氏春秋云云

按魏志建安三年分琅邪東海北海為城陽利城昌慮郡以臧霸傳攷之蓋禽呂布後所置魏氏春秋以為初平三年分者誤

郡國志四 濟南國鄒平

按溫序傳為鄒平侯相是鄒平嘗為侯國也

平原郡 鬲侯國

朱祐所封

樂安國高帝西平昌

按宦者傳彭愷為西平昌侯注云西平昌縣屬平原郡据此三字當屬上文平原郡九城當為十城 北海有平昌故此稱西以別之

北海國 高密侯國 鄧禹所封

昌安侯國 鄧禹子襲所封

夷安侯國 鄧禹子珍所封

膠東侯國

賈復所封

即墨侯國

賈復子宗所封

拒

當作挺宋書州郡志挺令前漢屬膠東後漢屬北海或以琅邪之拒當之

東萊 曲成侯國

明帝時有曲成侯劉建韓勅碑有曲成侯王曷

掖侯國

歐陽歙封夜侯即掖也傳子復以無子國除

葛盧 前志無

不期侯國

伏湛封不其侯即此

南陽郡 冠軍邑

順帝第二女冠軍公主

舞陰邑

安帝妹舞陰公主

復陽侯國

安帝封中黃門李建

湖陽邑

光武姊湖陽公主

育陽邑

光武女滄陽公主

涅陽

安帝妹涅陽公主食邑當有邑字

山都侯國

順帝封中黃門楊佺

鄴侯國

順帝封長樂太官丞王國

蔡陽侯

城陽恭王子侯平所封後徙竟陵

安衆侯國

漢書王子侯表安衆侯丹以長沙定王子封傳六世崇為王

莽所滅建武二年以崇從父弟寵紹封十三年子松嗣班孟

堅修史時見存

筑陽侯國

光武封吳漢子盱後徙封平春

順陽侯國

光武封族兄嘉傳子參削為南鄉侯

成都 前志無

襄鄉 前志無

南鄉 前志無順陽侯劉參有罪削為南鄉侯即此

南郡 中盧侯國

順帝封中黃門孟叔

華容侯國

順帝封中黃門王康

邳侯國

淄川王終子柱所封

宜城侯國

順帝封中黃門孫程

臨沮侯國

順帝封中黃門史汎

枝江侯國

順帝封中黃門李剛

江夏郡軟侯國

王霸子符所封

竟陵侯國

城陽恭王子平所封

蕪春侯國

陳俊子浮所封

平春侯國

前志無章帝封吳漢子盱

南新市侯國

零陵郡湘鄉

昭陽侯國

武陵郡注晉代太守趙厥

厥晉書作廢

作唐 前志無

長沙郡 湘南侯國

順帝封中黃門黃龍

按順帝即位之始宦侍侯者十九人封邑具載范史此志於廣宗廣平東阿范縣祝阿析夷陵下雋諸縣皆不云侯國恐傳寫遺脫未必元文之譌或云涿郡

范陽縣志稱侯國王道封范縣侯疑即范陽之諡也

醴陵 前志無

九江郡 合肥侯國

堅鐔所封

阜陵

按章和元年置阜陵國食五縣以壽春為王都傳國至桓帝初暫絕而復繼與漢相終始志獨不載何也

廬江郡 臨湖侯國

故樂成王萇所封

龍舒侯國

明帝封楚王英舅子許昌

居巢侯國

劉般所封

六安國

明帝時有六安侯劉盱章帝嘗封弟恭為六安王以廬江郡為國尋復故

會稽郡 太末注云云

按宋書州郡志豐安縣漢獻帝興平二年孫氏分諸暨立也遂昌孫權赤烏二年分太末立曰平昌晉武帝太康元年更名按宋書所載與志大異

錢云建安廿三年所分為定陽非遂昌

章安故治 注晉元康記云云

元康當作太康 攷班志治與回浦本是二縣意者東漢初嘗省回浦入鄞故有回浦鄉之稱

東部侯國

按宋書州郡志侯官前漢無後漢曰東侯官屬會稽此東部侯國當即東侯官之訛漢時未有見封東部侯者也又鄭巨君傳注引太康地志云漢武帝名為東冶後改為東侯官是章安為回浦東侯官為冶各不相涉志以章安為故冶疑未可信

南昌注及吳臨湘三縣

按應劭漢官云荆揚江南七郡惟有臨湘南昌吳三令爾注官志蓋漢制萬戶以上為令萬戶以下為長而江南七郡惟有三令豫章記所云正與應氏合三縣當是三令之譌譌

海昏侯國

宣帝封昌邑王賀於此王莽篡位絕建武復封

石陽 前志無

郡國志五 漢中郡注唐公防祠

漢隸房作防因譌房作為防

巴郡注初平六年趙穎分

按初平紀元止于四年巴記云六年者誤也趙穎三國志作

趙穎

劉璋分巴以永寧為巴東郡

按華陽國志改永寧為巴郡非巴東也

廣漢郡德陽 前志無

蜀郡八陵

前志有蠶陵無八陵晉志亦作蠶陵

捷為郡 南安有魚泣津

錢大昭曰泣當作洛吳漢傳漢與公孫述將魏黨公孫永戰

于魚洛津注云在南安縣北臨大江

荷節

前志有符無荷節疑符譌作荷而衍一節字也水經江水東過符縣注引符有先絡夔道有張帛是後漢亦名符縣矣

牂牁郡進乘

前志作進桑

越雋郡三縫無會有鐵注

前志作三鋒

注多誤當取華陽國志校自記

益州郡毋掇

說文掇从木此从手誤前志亦作掇

同瀨注地道記銅虜山米水所出

前志云談虜山迷水所出

廣漢屬國都尉

都尉二字衍

隴西郡鄣前志無

漢陽郡顯親前

前志無光武封竇弟友為侯國

武都道郡羗道

當云故屬隴西

安定郡烏枝

前志作烏氏顏注讀氏為支梁統傳亦作烏氏

酒泉郡福祿

前志作祿福魏志龐涓傳及皇甫謐傳列女傳載龐娥事云祿福趙君安之女又云祿福長尹嘉曾全碑亦云載酒泉祿

長則知作福祿者誤也

表氏

前志作表是氏是古通靈帝紀光和三表是地震

沙頭

前志作池頭魏志閻溫傳攻酒泉沙頭乾齊二縣

延壽 前志無

敦煌郡拼泉 當作淵泉

張掖居延屬國 居延注獻帝建安末

居延按晉志西海郡故屬張掖漢獻帝興平二年武威太守

張雅請置是西海立郡不在建安之末也

太原郡榆次有鑿壺 注鑿壺之下

壺當作臺

五原郡河陰當作

河陰

雲中郡箕陵 前志無

右并州刺史部郡九注西河上郡屬魏

魏字誤按光武紀建武十一年省朔方牧并并州此西河上

郡必朔方刺史所部至是始屬并州耳班史馮野王為上郡

太守朔方刺史蕭育奏封事薦之是上郡屬朔方部之証也

注文當有脫漏又因下引魏志而衍一魏字

涿郡北新城

當云故屬中山

廣陽郡世祖省并上谷永平八年復

和帝紀永元八年復置廣陽國此永平當為永元之譌

代郡 北平邑

宣帝女平邑公主章懷注平邑屬代郡前志無北字

上谷郡甯 前志作寧古通

漁陽郡僑奚 前志作庠奚

遼東郡無慮

此下當有有醫無慮山五字

侯城

按元菟郡有侯城之故屬遼東則此侯城為衍文矣

樂浪郡樂都 前志無

遼東屬國 昌遼故天遼

洪亮吉曰水經注白狼水又東北逕昌黎縣故城西地理志

云交黎也應劭曰今昌黎然則昌遼故天遼當作昌黎故交

黎也

無慮有醫無慮山

錢梅之曰安帝紀元初二年鮮卑圍無慮縣又攻夫犁營注

云無慮屬遼東郡有醫無慮山曰以為名夫犁縣名屬遼東

屬國鮮卑傳注亦同惟夫犁然則章懷所見本遼東屬國有

夫犁無無慮也無慮既屬遼東不應重出竊意此無慮當是

夫犁之譌此有醫無慮山句當移于遼東無慮之下

南海郡增城 前志無

交趾郡薺冷 說文作薺冷

凡郡國百三至凡郡國百五

今以志攷之世祖省郡國十廣平真定河間城陽泗水淄川

高密膠東六安廣陽也 明帝置永昌 章帝置任城國

和帝置濟北河間廣陽三國 帝安帝置蜀廣漢犍為張掖
居延遼東屬國 順帝置吳郡 合之得郡國百有五此失
載順帝所置之郡又稱章帝置郡國二改總數雖合而實不
合也然章帝所置任城國之外尚有章陵一國則其云置郡
國二者本自無誤而志不載章陵者或所据版籍正在永嘉
本初之間阜陵絕而未繼之時乎

百官志一

注西曹掾安衆鄭均

此又一鄭均

百官志二博士祭酒一人六百石本僕射

本僕射上當有本注曰三字

大子樂

子當作予見明帝紀

百官志三侍中本注曰無員

按朱穆傳言漢家舊典置侍中中常侍各一人黃門侍郎一
人宦者傳永平中始置員數中常侍四人小黃門十人自明
帝迄乎延平其員稍增中常侍至有十人小黃門二十人此
志於侍中中常侍黃門侍郎小黃門皆云無員亦未深考耳

內署長七人皆四百石黃綬

黃綬二字疑衍公卿以下後制已見輿服志不應單出此條

百官志四 中宮僕一人本注曰太僕秩二千石中興省太減

秩二千石

注字衍謂本名太僕後省太字也 當云減秩千石

百官志五 注建安十八年復禹貢九州至凡二十二郡

按廿二郡之名不見于郡國志者九六西平郡蓋分金城置

晉志領西都臨羗長寧安夷四縣西郡蓋分張掖置 晉志領日勒刪丹仙西

海郡獻帝興平二年置即張掖居延屬國也 晉志領居延一縣漢興

郡蓋曹公分關中置永陽郡則獻帝初平四年分漢陽置也

惟東安南一郡無可攷疑本作南安而行東字耳秦中記中

平五年分漢陽置 南安郡晉志領獮道新興中陶三縣

豫州部郡 滎陽都尉凡八郡

按東漢始以屬國都尉領城比于郡守嗣後內地亦置都尉

亦得稱郡魏志李通傳太祖分汝南二縣以通為陽安都尉

而趙儼傳云袁紹遣使招誘豫州諸郡惟陽安郡不動而都

尉李通急錄戶調此都尉為郡之證也

凡州所監都為京都置尹一人

按京都置尹一人志正文也上六字乃注文論舛不可通予

謂監都之都當作部以上文某州部郡國若干因解部字義

以足成之當云凡州所監為部字論又偵倒其文耳

公主所食湯沐曰國

國當作邑

本注曰太僕

注字衍

謁者比四百石本注曰掌尉長冠

此注疑有脫誤据太子洗馬注云員十六人職如謁者則王國之謁者亦宜有十六人矣漢朝謁者掌賓贊受事及上章報問則王國之謁者所掌亦宜如之或云掌尉長別是一官如禮樂長衛士長之類則員不得若是之多也

輿服志上

屬車四十六乘

四當作三

黃綬武官伍伯句文官辟車

漢制四百石至二百石皆黃綬

謂黃綬武官導從用伍伯

文官導從用辟車

軫下待閣

明帝紀注引作軫下魏志管輅傳所謂老軫下也

主縣假給辟車鮮明亭

洪氏隸續載漢碑畫象有鮮明騎

輿服志下

尚書皋陶篇

伏生今文尚書以益稷合于皋陶謨故云
知天者術冠述

尔足注孫炎云適古述字故鷓亦作述

簪以瑇瑁為櫛

櫛即栉字所以摘髮詩所謂象栉也

南山豐大特

獸名見史記秦本紀

壬子

九月抄都京小史漢補祥

十月抄王西莊商權

十二月抄雲松注拾補

癸丑

正月二十日起至二月念二日止抄前漢書表攷証二冊

三月初九日起至二十日止抄後漢書攷証一冊

七月中旬抄史記評林并附原

十月初一日起至二十一日止抄史記攷証二冊

十一月至十二月底止抄鈔氏漢書攷異一冊

甲寅五月抄姚文駟後漢補遺

六月抄陳明卿史記攷

七月抄四庫館前後漢攷証
抄補後漢書表五冊
乙卯抄四庫館史記攷証

丙辰九月抄何義門校訂後漢書一冊

八月抄錢反後漢書表四冊

丁巳十一月抄靈抱經校定前漢書一冊

世宗御製通志卷之四

丁巳三月抄吳仁傑後漢刊誤補遺十帖頁

戊午五月抄錢竹汀後漢書考異肆冊

己未八月初旬抄錢竹汀後漢書考異肆冊

庚申七月中旬抄施之駟補遺

辛酉五月下浣抄陳臥子評本

九月末抄王益之西漢年紀攷異

壬戌二月抄吳仁傑前漢補遺

癸亥六月抄鈔方昕史記攷異

甲子正月抄澤書評林畢

乙丑十一月抄全謝山心澤疑問卷

丙寅四月抄錢大昕後漢補表

